

ЭРЕАК СТРОЙЫШТО, КУРЫМЕШЛАН ШАРНЫМАШТЕ

Коркатово лицейыште
Украиныште специальный
военный операций эртыме
годым вуйым пыштыше
Дмитрий Петровым (сним-
кыште) шарныме лўмеш
мини-футбол дене первен-
стве эрген.



Коркатово ялын шочшыжо,
тусо лицейын 2013 ийысе выпуск-
никше, РФ Оборона Министер-
ствын военный университетшым
(Москва) тунемын лекше, воен-
ный службын офицерже Дмитрий
Петров 29 мартыште колен. 27-ше
шочмо кечыже марте ик арням
гына илен шуктен огыл.

Игече йўран улмым да шыже ка-
никулым ончыде, ныл команде ге-
ройым да тудын подвигшым шар-
нымылан пўлеклалтше модмашке
погынен.

Турнирым лицейын директоржо
С.Михайлов, Морко районысо
администраций вуйлатышын ал-
маштышыже А.Васильев почы-
ныт да тагасымашын кўлешлы-
кше нерген палемден коденыт.
Алексей Геннадьевич тыгай

шотан эргым ончен-куштымы-
лан ача-аважлан таум каласен.
Димам шарныме лўмеш ешыже
Коркатово ялыште йоча-влаклан
модаш площадкым йўнештарен,
пелашыже Анастасия Кириллова
лицейын командыжлан футбол
дене модшын формыжым пўле-
клен. Морко районын военный
комиссарже И.Габдулхаков Ди-
ман подвигше кушкын шушо
тукумлан геройло пример семын
лийын кодеш манын ўшандарен
каласен. Д.Петровын шочмо эл
ончылно шке порысым мучаш
марте ўшанлын шуктымьж нер-
ген ял шотан Коркатово илемын

администрацийжым вуйлаты-
ше В.Павловат палемден коден.
Боевой действий ден военный
службо ветеран-влакын «Память»
ушемштын Морко районысо
общественный организацийшт
лўм дене Афганистанысе боевой
действий ветеранже, Йошкар
Шўдыр орден ден «За отвагу»
медалын кавалерже И.Афана-
сьев ойлен: «Мемнан рвезе-ша-
мыч, кудышт кызыт шке сарзе
порысыштым специальный воен-
ный операций кайыме верыште
шуктен шогат, тачысе самырык
тукумлан, шочмо элысе калы-
клан пример улыт. Тыгай пример
негызешак йоча-влакым кушташ,
ончыкылык тукумын шуараш да
нунын дене кугешнаш тўналына».

«Шке эргым дене мый ўмырем
мучко кугешненам. Тудын дене
кызытат кугешнем. Конешне, тиде
мыланна, мемнан ешланна моткоч
кугу йомдарымаш. Шарнымылан-
да тау», — герой эргыже нерген
шинчвўд йўре ойлен Алевтина
Дмитриевна.

Официальный церемоний деч
вара модшо-влак футбол пасушто
вашлийыныт. Турнирын кубок-
шым Коркатово лицейын коман-

дыже сенен налын. Морко 6-шо
№-ан школын командыже коким-
шо вершы лектын. Кумшо ден
нылымше верым Морко поселкы-
со ФОК ден Октябрьский посел-
кын командышт пайленыт.

Призер-влакым кубок, медаль
да чапкагаз дене палемденыт, а
участник-шамычлан пўлек ден
сувенирым кучыктеныт. Футбол
пасушто эн сай аралыше семын
Яна Андреевам палемденыт, эн
сай нападающийлан Владимир
Гуляевым, а капкам эн сайын ор-
лышылан Макар Калашниковым
шотленыт.

- Тыгай турнир ончыкыжым
йўлашке пурьжо манын тыршаш
тўналына, — сайын модмылан
тауштен ойлымышт годым палем-
деныт турнирлан вуйын шогы-
шо-влак.

Ты футбол пасушто спортлан
шўман йоча-влак идалык гыч
угыч погынат да герой-земляк-
нам порын шарналтат манын ўша-
ныме шуэш. Шочмо элнам аралы-
ше-влаклан чап лийже!

Людмила АНИСИМОВА,
Коркатово лицей директорын
воспитательыме паша шотышто
алмаштышыже

